

Akashvani, Sambalpur

SAMBALPURI NEWS EVENING BULLETIN

27 April 2026-7.02- 7.12 pm.

୧- ୩ ଦିନିଆ କେନ୍ଦୁଝର ଗସ୍ତ ଯୁଖ୍ୟମନ୍ତ୍ରୀ ।

- ଭିନ୍ ଭିନ୍ ଉନ୍ନୟନ ଯୁକ୍ତ ପ୍ରକଳ୍ପ କରବେ ଲୋକାର୍ପଣ
ଆଉ ଶିଳାନିଧି ।

୨- ରାଏଜେ ବଡ଼ି ଖରାକେ ନଜରୁ ରଖି ଆସନ୍ତା ସବୁ
ଶିକ୍ଷାନୁଷ୍ଠାନ ନ ଯୁଲ ହେଲା ଖରାକୁଟି ।

୩- ବୈଶାଖ ମେଳା ଅବସରେ ନୃସିଂହନାଥ ପୀଠ ନ ହେଉଛେ
ଶ୍ରଦ୍ଧାଳୁମାନଙ୍କର ଜବର ଭିଡ଼ ।

ଆଉର

୪- ସମ୍ବଲପୁର ନ ୩ ନମ୍ବର ରାଜ୍ୟ ପୁଲିସ୍ ସନ୍ତରଣ ଆଉ କ୍ରମ
କଂଗ୍ରି ପ୍ରତିଯୋଗିତା ହେଲା ଯୁଲ ।

ମୁଖ୍ୟମନ୍ତ୍ରୀ- କେନ୍ଦୁଝର ଗସ୍ତ

ଭୁବନେଶ୍ୱର ସମ୍ବାଦଦାତା

ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ଆଏଜ୍ଓଆରୁ ୩ ଦିନିଆ କେନ୍ଦୁଝର ଗସ୍ତ ଯାଇଛନ୍ତି । ଗସ୍ତର ୨ ନମ୍ବର ଦିନେ ଆଏବା କାଏଲ୍ ଜିଲ୍ଲାପାଳଙ୍କର କାର୍ଯ୍ୟାଳୟ ପାଶେ ଉତ୍କଳ ଗୌରବ ମଧୁସୂଦନ ଦାସଙ୍କର ଜନମ୍ ବାର୍ଷିକୀ ଅବସରେ ତାଙ୍କର ପ୍ରତିମୂର୍ତ୍ତିକେ ଅନାବରଣ କରବେ । ଇତାର ସହେତେ ଉଚ୍ଚାବାଳି ହାଟ୍ପଡ଼ିଆ ଠାନ୍ ୪ ଶହ / ୨ ଶହ କେଡ଼ି ର ଗୁଟେ ବିଦ୍ୟୁତ୍ ଗ୍ରୀଡ଼୍ ସର୍ବ୍ଷେସନ୍ର ଲୋକାର୍ପଣ କରବେ । ଜିଲ୍ଲାର ପୁରୁଷୋତ୍ତମପୁର ପାଖର ବି.ଏନ୍.କେ. ଉଚ୍ଚବିଦ୍ୟାଳୟର ସୁବର୍ଣ୍ଣ ଜୟନ୍ତୀ ସମାରୋହଥ୍ ମୁଖ୍ୟମନ୍ତ୍ରୀ ଶ୍ରୀ ମାଝୀ ମୁଖ୍ୟଅତିଥ୍ ଭାବେ ଯୋଗ ଦେବାର କାର୍ଯ୍ୟକ୍ରମ ରହିଛି । ଗସ୍ତର ୩ ନମ୍ବର ଦିନେ ମୁଖ୍ୟମନ୍ତ୍ରୀ ଧରଣୀଧର ବିଶ୍ୱବିଦ୍ୟାଳୟର ବହୁତ୍ଟେ ପ୍ରକଳ୍ପର ଉଦ୍ଘାଟନ୍ ଆଉ ଶିଳାନିଧି କରବାର ସହେତେ ଆମ ବସ୍ ରହଣୀ ଜାଗାର ଉଦ୍ଘାଟନ୍ କରବେ ବଳି ମୁଖ୍ୟମନ୍ତ୍ରୀ କାର୍ଯ୍ୟାଳୟ ତରଫୁ କୁହାଯାଇଛି ।

ବିଧାନସଭାର ଖାସ୍ ଅଧିବେଶନ

ଆରବନ୍ଦୁ/ ସମ୍ବଲପୁର

ଓଡ଼ିଶା ବିଧାନସଭାର ଖାସ୍ ଅଧିବେଶନ ଆସବା ୩୦ ତାରିଖ ଦିନ ହେବା । ଗୁଡ଼େ ଦିନ ଲାଗି ବସ୍ତାବଳୀ ଥିବା ଅଧିବେଶନ ଥିବେଶର ଗଣତନ୍ତ୍ର ମହିଳାମାନଙ୍କର ଯୋଗଦାନ ଉପରେ ଆଲୋଚନା ହେବା । ଇଥିରଲାଗି ବିଧାନସଭା ସଚିବାଳୟ ତରଫୁ ବିଜ୍ଞପ୍ତି ଜାରି କରାଯାଇଛି ।

ବାଲ୍ ପୁରସ୍କାର

ଏନ୍ଏସ୍‌ଡି

ପ୍ରଧାନମନ୍ତ୍ରୀ ରାଷ୍ଟ୍ରୀୟ ବାଲ୍ ପୁରସ୍କାର ୨୦୨୨ ଲାଗି ନାମାଙ୍କନ ପ୍ରକ୍ରିୟା ମୁଲ୍ ହେଇଛି । ଜୁଲାଇ ମାସର ୩୧ ତାରିଖତକ୍ ୫ ବର୍ଷରୁ ୧୮ ବର୍ଷର ବୟସର ଛୁଆମାନେ ଇଥିରଲାଗି ଆବେଦନ କରିପାରବେ । ରାଷ୍ଟ୍ରପତିଙ୍କର ତରଫୁ ଦିଆଯାଉଥିବା ଇ ସମ୍ମାନ ଜନକ୍ ଜାତୀୟସ୍ତରର ପୁରସ୍କାର ପ୍ରତିଭାବାନ୍ ଛୁଆମାନଙ୍କୁ ଫି' ବର୍ଷ ଦିଆଯାଏ । ସାହସିକତା ସମାଜ୍ ସେବା, ପରିବେଶ୍, ଖେଲ୍, କଳା ଆଉ

ସଂସ୍କୃତି ଆର ବିଜ୍ଞାନ ଆଉ ପ୍ରଯୁକ୍ତିବିଦ୍ୟା କ୍ଷେତ୍ର ଥି ବହୁତ ବଡ଼ିଆଁ ପ୍ରଦର୍ଶନ କରୁଥିବା ଛୁଆମାନଙ୍କୁ ଇ ବର୍ଗ ଥି ପୁରସ୍କାର ଦିଆଯାଏସି । ଜୁଲାଇ ୩୧ ତାରିଖତକ ଇଛୁକ ପ୍ରାର୍ଥୀ ନେସନାଲ ଆଡ଼ାଡ଼ ପୋର୍ଟାଲ କି www.awards.gov.in ଥି ଆବେଦନ କରିପାରବେ ।

ଖରାଛୁଟି ଆରଏନ୍ୟୁ/ ସମଲପୁର

ରାଏଜେ ହଉଥିବା ଜବର ଖରାକେ ନଜରୁ ରଖିକରି ରାଜ୍ୟର ସବୁ ସରକାରୀ, ବେସରକାରୀ ଆର ଅନୁଦାନ ପ୍ରାପ୍ତ ବିଦ୍ୟାଳୟମାନଙ୍କେ ଆଏଜ୍ଠାନୁ ଖରାଛୁଟି ମୁଲ ହେଇଛେ । ହେଲେ ଆଘୋନୁ ଧାରିକ୍ ହେଇଥିବା ପରୀକ୍ଷା, ଜନଗଣନା କାମ୍ ଆଉ ବିଭାଗୀୟ ପ୍ରଶାସନିକ୍ କାମ୍ ଜାରି ରହେବା ବଳି ବିଦ୍ୟାଳୟ ଆଉ ଗଣଶିକ୍ଷା ବିଭାଗ୍ ତରଫୁ କୁହାଯାଇଛେ । ଖରାଛୁଟି ସମିଆଥି ଛାତ୍ରଛାତ୍ରୀମାନଙ୍କୁ ପାଠପଢ଼ାବାର ଲାଗି ପଦକ୍ଷେପ୍ ନିଆଯାଇଛେ । ଓଡ଼ିଶା ବିଦ୍ୟାଳୟ ଶିକ୍ଷା କାର୍ଯ୍ୟକ୍ରମ୍ ପ୍ରାଧିକରଣ୍ ଓସେପା ତରଫୁ ଅନଲାଇନ୍ ଜରିଏ ଶିଶୁବାଚିକାନୁ ୮ ଶ୍ରେଣୀତକ୍ ଛାତ୍ରଛାତ୍ରୀମାନଙ୍କୁ ନେଇକରି

ଓଡ଼ିଆ ଗୁପ୍ତ ଜରିଏ ମନୋରଞ୍ଜନ ଭିତିକ ଶିକ୍ଷା ଦେବାରକେ କୁହାଯାଇଛି । ଖରାଛୁଟି ଆଏଇଠାରୁ ଜୁନ୍ ୧୭ ତାରିଖତକ ହେବା ବଳି ସରକାରଙ୍କର ତରଫୁ ଘୋଷଣା କରାଯାଇଛି ।

ସତ୍ତ୍ୱଲିପି କମିଟି ରିପୋର୍ଟ

ଆଇ.ଆର୍.ପି.ଆର୍

ଭୁବନେଶ୍ୱର ମହାପ୍ରଭୁ ଶ୍ରୀଲିଙ୍ଗରାଜ ମନ୍ଦିର ସତ୍ତ୍ୱଲିପି କମିଟି ତରଫୁ ୨ ନମ୍ବର ଅନ୍ତରିଣ ରିପୋର୍ଟ ଆଇନ୍, ପୂର୍ତ୍ତ ଆଉ ଅବକାରୀମନ୍ତ୍ରୀ ପୃଥ୍ୱୀରାଜ ହରିଚନ୍ଦନଙ୍କୁ ଦିଆଯାଇଛି । ଜଷ୍ଟିସ୍ ତଙ୍କୁ ଦୁର୍ଗାପ୍ରସନ୍ନ ଚୌଧୁରୀଙ୍କର ଅଧକ୍ଷତାଥୁ ହେଇଥିବା ୨ ଝନିଆ କମିଟି ତରଫୁ ମନ୍ଦିରର ପୂଜା, ଶୃଙ୍ଖଳିତ୍ ନୀତିକାନ୍ତି, ଗର୍ଭଗୃହ ଆଉ ରୋଷଘର ମରାମତି, ଆଲୋକିକରଣ ବ୍ୟବସ୍ଥା, ସେବାୟତମାନଙ୍କର ଲାଗି ତାଲିମ୍, ହୁଣ୍ଡି ପରିଚାଳନା ଆଉ ଜମି ସମସ୍ୟା ସମାଧାନ ସହେତେ ପାଖାପାଖି ୧୭ ଟା ପ୍ରସ୍ତାବ୍ ରିପୋର୍ଟଥୁ ସାମିଲ୍ ହେଇଛି । ଇ ବାବ୍ଦେ କମିଟି ଅଧକ୍ଷ ଜଷ୍ଟିସ୍ ଚୌଧୁରୀ କହିଛନ୍,

(ଭଏସ୍ ଓଭର୍-ଜଷ୍ଟିସ୍ ଦୁର୍ଗାପ୍ରସନ୍ନ ଚୌଧୁରୀ)

ମନ୍ତ୍ରୀ ଶ୍ରୀ ହରିଚନ୍ଦନ ରିପୋର୍ଟ ଗ୍ରହଣ କରିକରି କହିଛନ୍ତି, ଇତାକେ ଅନୁଶୀଳନ କରିକରି ଲିଙ୍ଗରାଜ୍ ମନ୍ଦିରର ଶୃଙ୍ଖଳିତ୍ ନୀତିକାନ୍ତି ସହେତେ ସେବାୟତ୍, ନିଯୋଗ୍ ଆଉ ଭକ୍ତମାନକର ଲାଗି ଭଲ୍ ବ୍ୟବସ୍ଥା କରାଯିବା ।

ଜଙ୍ଗଲ୍ ନିଆଁ ଭୁବନେଶ୍ୱର ସମ୍ବାଦଦତା

ରାଜ୍ୟର ୧୯ ଟା ଡିଭିଜନ୍ର ଜଙ୍ଗଲ୍ ନିଆଁ ନିୟନ୍ତ୍ରଣ ଲାଗି ଜଙ୍ଗଲ୍ ବିଭାଗ୍ ତରଫୁ ଅଭିଯାନ୍ ମୁଲ୍ ହେଇଛେ ବଳି ପ୍ରଧାନ୍ ମୁଖ୍ୟ ବନସଂରକ୍ଷକ୍ କେ. ମୁରୁଗେସନ୍ କହିଛନ୍ତି । ବାଲିଗୁଡ଼ା ଆଉ କଲାହାଣ୍ଡି ରେଞ୍ଜର ଅଏତକା ସଂଖ୍ୟାଥୁ ଜଙ୍ଗଲ୍ ନ ନିଆଁ ଲାଗୁଥିବାର୍ ବେଳେ ନବରଙ୍ଗପୁର ଆଉ କୋରାପୁର ଜିଲ୍ଲା ନ ପୋଡୁଚାଷ୍ ଲାଗି ସେନର ଲୁକେ ଜଙ୍ଗଲ୍ଥୁ ନିଆଁ ଲଗଉଛନ୍ତି । ଗଲାବଛର ୩୦ ହଜାର୍ ପଏଂଥୁ ଜଙ୍ଗଲ୍ ନିଆଁ ଲାଗିଥିବାର୍ ବେଳେ ଇ ବଛର ଇହାଦେତକ୍ ଇଟା ୨୦ ହଜାର୍ ପଏଂଥୁ ପୁହୁଁଚିଛେ । ଜଙ୍ଗଲ୍ ବିଭାଗ୍ କର୍ମଚାରୀମାନକର ଚେରେଷ୍ଟା ଆଉ

ବନସ୍ପରକ୍ଷା ସମିତି ସଜାର୍ ରହେବାର ଲାଗି ଜଙ୍ଗଲ ନିଆଁକେ
ଆଏଡ୍ କରାଯାଇପାରୁଛି ବଳି ପ୍ରଧାନ ମୁଖ୍ୟ ବନ ସଂରକ୍ଷକ
କହିଛନ୍ ।

(ଭଏସ୍ ଓଭର- କେ. ମୁରୁଗେସନ)

ବୈଶାଖ ମେଳା

ବରଗଡ଼ ସମ୍ବାଦଦାତା

ବରଗଡ଼ ଜିଲ୍ଲା ପାଇକ୍‌ମାଲ୍ ପ୍ରସିଦ୍ଧ ନୃସିଂହନାଥ ପୀଠ ନ
ନୃସିଂହ ଜନ୍ମୋତ୍ସବ ଆଉ ବୈଶାଖ ମେଳା ମୂଲ୍ ହେଇଛି । ଇ
ଅବ୍‌ସରେ ଆଏଜ୍ ସଖାଲ୍‌ବେଳା ନୃସିଂହନାଥ ବିଶ୍ୱ ଶାନ୍ତି ମହାଯଜ୍ଞ
ସହେତେ ନୃସିଂହ ବୀଜମନ୍ତ୍ର ଜପ୍ ମୂଲ୍ ହେଇଛି । ବିଧି ଅନ୍‌ସାରେ
ପାର୍ଶ୍ୱଦେବାଦେବୀଙ୍କୁ ନିମନ୍ତ୍ରଣ୍ କରାଯିବାର ଉତ୍ତରୁ ବ୍ରହ୍ମବରଣ୍,
ଗୋପୁଜନ ଆଉ ବୀଜମନ୍ତ୍ର ହୋମ୍, ଆହୁତି ହେଇଥିଲା । ବୈଶାଖ
ମେଳା ଲାଗି ନୃସିଂହନାଥ ପୀଠ ଚଳଚଂଚଳ ହେଇଉଠିଛି ।
ମେଳାକେ ରାଜ୍ୟ ଆଉ ପଡ଼ୋଶୀ ରାଜ୍ୟ ଛତିଶଗଡ଼ ନୁ ଆସୁଥିବା
ଲକ୍ଷାଧିକ୍ ଲୁକ୍‌କର ଉଡ଼କେ ନଜରୁଥ୍ ରଖିକରି ଜିଲ୍ଲା ପ୍ରଶାସନ

ଆଉ ମନ୍ଦିର ପ୍ରଶାସନ ତରଫୁ ସବୁ ପ୍ରକାର ବ୍ୟବସ୍ଥା
କରାଯାଇଛି ।

ବୈଶାଖ ମେଳା ଅବସରେ ଶ୍ରଦ୍ଧାଳୁମାନଙ୍କର ସୁବିଧା ଲାଗି ମନ୍ଦିର
ପରିସର ନ ଗୁଚେ ଆୟୁର୍ବେଦିକ୍ ବର୍ହିବିଭାଗ ଆଉ ଔଷଧୀୟ
ଚାରା ବିତରଣ କେନ୍ଦ୍ର ଉଦ୍ଘାଟନ କରାଯାଇଛି । ଇନ
ଶ୍ରଦ୍ଧାଳୁମାନଙ୍କୁ ମାହାଲିଆ ଆୟୁର୍ବେଦିକ୍ ପରାମର୍ଶ ଆଉ
ଉଷୋ ଦିଆଯାଉଛି । ଇତାର୍ଘ୍ୟହେତେ ଔଷଧୀୟ ଚାରା
ବିତରଣ କେନ୍ଦ୍ର ନ ଭିନ୍ ଭିନ୍ ଚେରମୁଲି ଚିହ୍ନକ୍ କରବାର
ସହେତେ ତାର ଉପକାରିତା ବାବଦେ ସଚେତନ
କରାଯାଉଛି । ବୈଶାଖ ମେଳା ଗଲାକାଏଲ୍‌ନୁ ମୁଲ୍
ହେଇଥିବାର ବେଳେ ୧ ତାରିଖ୍‌ତକ୍ ଚାଲ୍‌ବା ।

ଅଭିଯୋଗ ଶୁଣାଣି ବୌଦ୍ଧ/ନୂଆପଡ଼ା/ସମ୍ବଲପୁର

ପଶ୍ଚିମ ଓଡ଼ିଶାର ଭିନ୍ ଭିନ୍ ଜିଲ୍ଲା ନ ଜିଲ୍ଲାପାଲ୍ ଆଉ
ଆରକ୍ଷୀ ଅଧିକ୍ଷକଙ୍କର ଯୁଗ୍ମ ଜନଶୁଣାଣି ଶିବିର ଆଏକ୍
ହେଇଯାଇଛି ।

ସମ୍ବଲପୁର ଜିଲ୍ଲା ରେଙ୍ଗାଲି ବ୍ଲକ୍ ଠାରେ ହେଇଥିବା
ଜନଶୁଣାଣି ଶିବିରଥି ୬୦ ଟା ଅଭିଯୋଗ ଆସିଥିଲା ।

ନୂଆପଡ଼ା ଜିଲ୍ଲା ସିନାପାଲି ବ୍ଲକ୍ ସମ୍ମିଳନୀ କକ୍ଷ ନ
ହେଇଥିବା ଶିବିରଥି ଜିଲ୍ଲାପାଲ୍ ଅଭିଯୋଗ ମାନକୁ ଗ୍ରହଣ କରିକରି
ଦରକାରୀ ପଦକ୍ଷେପ ନେବାରକେ ଆହ୍ୱାନ ଦେଇଛନ୍ । ଇତାର
ସହେତେ ହିତାଧିକାରୀମାନକୁ ଆର୍ଥିକ୍ ସାହାଜ୍ ଭିଲ୍ ଦେଇଛନ୍ ।

ବୌଦ୍ଧ ଜିଲ୍ଲା ସଦର ବ୍ଲକ୍ ତାଳସରଡ଼ା ଗ୍ରାମ୍ ପଂଚାୟତ୍ତ
ହେଇଥିବା ଜନଶୁଣାଣି ଶିବିରଥି ୪୬ ଟା ଅଭିଯୋଗ ଆସିଥିବାର
ବେଳେ ୧୮ ଟାର ତୁରତି ସମାଧାନ କରାଯାଇଛେ ।

ଶିବିର ମାନକେ ଜିଲ୍ଲାପାଲ୍ ଆର୍ ଆରକ୍ଷୀ ଅଧିକ୍ଷକ ମାନେ
ଅଭିଯୋଗ ମାନକୁ ଗ୍ରହଣ କରିକରି ତୁରତି ସମାଧାନ
କରବାରକେ ବିଭାଗୀୟ ଅଧିକାରୀମାନକୁ ନିର୍ଦ୍ଦେଶ୍
ଦେଇଛନ୍ ।

ଓସ୍ତାଲି ଆଇ.ଆର୍.ପି.ଆର୍

ଓଡ଼ିଶା ନ ଜଳଭିତିକ ସାହସିକ ପର୍ଯ୍ୟଟନ ସୁରକ୍ଷାକେ ବରକସ୍ କରବାର ଲାଗି କୋଣାର୍କର ଓସ୍ତ୍ରାଲି ଠାନ୍ନେ ଆବାସିକ ଲାଇଫ୍‌ଗାର୍ଡ୍ ତାଲିମ୍ କାର୍ଯ୍ୟକ୍ରମ୍ ମୁଲ୍ ହେଇଛେ । ପର୍ଯ୍ୟଟନ ବିଭାଗ୍ ତରଫୁ ଗୋଆର ନେସ୍ନାଲ୍ ଇନ୍‌ଷ୍ଟିଚ୍ୟୁଟ୍ ଅଫ୍ ଡ୍ଵାଟର୍ ସ୍ଵାର୍ଟସ୍ ଓଡ଼ିଶା ଅଗ୍ନିଶମ ଆଉ ଆପଦ୍‌କାଳୀନ ସେବା ସହେତେ ଇଥିରଲାଗି ସହଭାଗିତା କରାଯାଇଛେ । ପହେଲା ଖେପେ ୧୧ ଟା ବେର୍ଥି ଶହେ ୭୭ ଝନ୍ ଲାଇଫ୍‌ଗାର୍ଡ୍‌କୁ ଉଦ୍ଧାର କୌଶଲ୍ , ସିପିଆର୍, ପ୍ରାଥମିକ୍ ଚିକିତ୍ସା ଆଉ ବିପର୍ଯ୍ୟୟ ପରିଚାଳନା ବାବ୍ଦେ ପ୍ରଶିକ୍ଷଣ୍ ଦିଆଯିବା । ଆଏବା ୨ ନୁ ୩ ବଛର୍ ଭିତ୍ରେ ପାଖାପାଖି ୨ ହଜାର ଲାଇଫ୍‌ଗାର୍ଡ୍‌କୁ ପ୍ରଶିକ୍ଷିତ୍ କରବାର ଲାଗି ରାଜ୍ୟ ସରକାର୍ ଯୋଜ୍ନା କରିଛନ୍ ।

ସକ୍ତରଣ ପ୍ରତିଯୋଗିତା ସମ୍ବଲପୁର ସମ୍ବାଦଦାତା
ସମ୍ବଲପୁର ଠାନ୍ନେ ୩ ନମ୍ବର୍ ରାଜ୍ୟ ପୁଲିସ୍ ୩ ଦିନିଆ ସକ୍ତରଣ୍ ଆଉ କ୍ରସ୍ କଂଟ୍ରୀ ପ୍ରତିଯୋଗିତା ମୁଲ୍ ହେଇଛେ । ପ୍ରତିଯୋଗିତାଥି ରାଜ୍ୟର୍ ୨୦ ଟା ଦଲର୍ ଶହେ ୪୧ ଝନ୍ ପ୍ରତିଯୋଗୀ ଭାଗ୍ ନେଇଛନ୍ । ସେମାନକର୍ ଭିତ୍ରୁ ୮୨ ଝନ୍

କ୍ରମ୍ କଂଗ୍ରି ଆଉ ୫୯ ଝନ୍ ସନ୍ତରଣକାରୀ ଭାଗ୍ ନେଇଛନ୍ ।
ବରିଷ୍ଠ ପୁଲିସ୍ ଅଧିକାରୀ ବ୍ରିଜେଶ୍ ରାୟ ପ୍ରତିଯୋଗିତାକେ
ଉଦ୍‌ଘାଟନ୍ କରିକରି କହିଛନ୍, ଇ ପ୍ରତିଯୋଗିତା ପୁଲିସ୍
ବାହିନୀ ଭିତ୍ରେ ଭାଇଚାରୀ ବଢ଼ାବାର୍ ଆଉ ଖେଲ୍
ମନୋଭାବ୍‌କେ ତହିଁକାବାର୍ ଉଦ୍‌ଦେଶ୍ୟଥ୍ ଆୟୋଜନ୍
କରାଯାଇଛେ । ଆଝିରର୍ କାର୍ଯ୍ୟକ୍ରମ୍‌ଥ୍ ସମ୍ବଲପୁର ସହେତେ
ବରଗଡ଼୍, ଝାରସୁଗୁଡ଼ା, ସୋନ୍‌ପୁର ଆଉ ବଲାଙ୍ଗିର୍ ଜିଲ୍ଲାର୍
ବରିଷ୍ଠ ଅଧିକାରୀମାନେ ସାମିଲ୍ ହେଇଥିଲେ ।

ପାଣିପାଗ ଆର୍‌ଏନ୍‌ୟୁ/ ସମ୍ବଲପୁର

ରାଏଜେ ଭିନ୍ ଭିନ୍ ଜାଗା ନ ତାପମାତ୍ରା ବଢ଼ିବାର୍‌କେ ଲାଗିଛେ ।
ଖାସ୍ କରି ରାଜ୍ୟର୍ ପଶ୍ଚିମ ଆଉ ଉତ୍ତର୍ ଇଲାକା ଆଡ଼େ
ତାପମାତ୍ରା ଅଧିକା ରହୁଛେ । ଭୁବନେଶ୍ୱର୍ ଆଂଚଳିକ୍
ପାଣିପାଗ୍ ବିଜ୍ଞାନ୍ କେନ୍ଦ୍ର ତରଫୁ ଜବର୍ ଗରମ୍ ଆଉ
ଗୁଳଗୁଳିକେ ନେଇକରି ୧୧ ଟା ଜିଲ୍ଲା ଲାଗି ସତର୍କ ସୂଚନା
ଜାରି କରାଯାଇଛେ । ଆଏଜ୍ ରାଜ୍ୟର୍ ସବୁନ୍ନୁ ଜହ୍ ତାପମାତ୍ରା
ଝାରସୁଗୁଡ଼ା ଜିଲ୍ଲା ନ ୪୪ ଦଶମିକ୍ ୭ ଡିଗ୍ରୀ ସେଲ୍‌ସିଅସ୍
ରେକଡ଼୍ କରାଯାଇଛେ ।